

MAMAN

la VÔS dai FURLANS



Projet promovût di 'La Vôs dai Furlans' e 'ARLeF'

Lu saveviso che...?

Vêso mai viodût il flum Natisse che al passe par Aquilee? Cumò nol è tant grant, ma te Ete romane al jere larc cuasi come mieç cjamp di balon! Alì un puart bocon al dave acet a tantis nâfs che a rivavin dal Mâr Adriatic. Vuê di chel puart anfic a son anjemò i anei di pierre dulà che si peavin lis barcjis. La prossime volte che o fasês une gjite a Aquilee, provait a imaginâ cemût che e jere 2000 agns indaûr: une citât sflandorse plene di nâfs, personis e culturis diferentis.



Il carton de setemane

Olivie e à fat une barcjute e no fide la ore di fâle cori sul Flum Soreli. Ma i siei amîs a insistin par provâle par prins... Ce rabie!

Cjalin insiemi la pontade di *Spicût il Riçut* "Un zirut cu la barcje" su




Cumò fâs tu!

Cuâl frut rivaraial par prin al travuart?



Piture il dissen!



Dilu in plui lenghis!



IL COCÂL



THE SEAGULL



IL GABBIANO

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!?



ANCJE 'ON DEMAND' SU telefriuli

Cjale lis gnovis pontadis su telefriuli

Vinars aes 18.30 e in repliche domenie aes 7.00 e aes 13.00

STELIS E LUSIGNIS



Roc. Sta plui dongje di fradis e amîs parcè che a podarassin dâti il consei just.



Taur. La Lune e à voie di fâti cualchi dispiet e cussì, biel che tu ti gjoldis un moment di pàs, jê ti fâs un çopedon.



Zimui. Par frontâ ben il doman tu âs di dismenteâ fats e personis leâts al to passât.



Gjambar. Tu âs di frontâ un biel dubi: restâ leât ae vite di ogni di o fâ un biel viaç? In duç i doi i càs, tu risolvârâs cuntun truc.



Leon. Tu sês plen di fuarce e voie di rivâ, lis stelis a son de tô bande, ce vuelistu miôr di cussì?



Vergjine. Tu vuelis gjolditi une vite comude e plene, e par vêle tu fasis tancj sfuarçs, atent però a no lassâ indaûr la famee.



Balance. Intes discussions in famee tu âs di vê un grum di pazience e no tu âs di rabiâti. Cussì dut si sclaris miôr.



Sgarpion. Alc di chei che ti son intor no ti convinç, tu fasis ben a fâ cualchi pas indaûr e a no cjapâ nissun impegn.



Sagjitari. Ti è vignude tal cjâf une persone che no tu viodis di un pieç, tu fasis ben a clamâle.



Bec di mont. La energjie di chei dîs achì ti puarte a fâ une vore di sport, ma une vitalità compagne no tu le âs intai rapuarts cun chei altris.



Agarûl. Tal lavôr tu rivis a meti in pratiche lis tôs cognossincis e i coleghis ti disin graciis.



Pes. Tu sês plui viert cu la int e ches ti fâs di cognossi personis gnovis, cualchidune e pues diventâ tô amie.